

七十二家集

謝康樂集卷之七

宋陳郡謝靈運客兒著

明閩漳張 熒紹和纂

志

遊名山志

夫衣食人生之所資山水性分之所適今滯所資之累擁其所適之性耳俗議多云歡足本在華堂枕席漱流者乏於大志故保其枯槁余謂不然君子有愛物之情有救物之能橫流之弊

非才不治故時有屈已以濟彼豈以名利之場
賢於清曠之域耶語萬乘則鼎湖有縱轡論儲
貳則嵩山有絕控又陶朱高揖越相畱侯願解
漢傳推此而言可以明矣

破石溪南二百餘里又有石帆修廣與破石等
度質色亦同傳云古有人以破石之半爲石帆
故名彼爲石帆此名破石

永寧安固二縣中路東南便是赤石又枕海巫
湖三面悉高山枕水渚山溪澗凡有五處南第

一谷今在所謂石壁精舍

石門澗六處石門遡水上入兩山口兩邊石壁
右邊石巖下臨澗水

神子溪南山與七里山分流去斤竹澗數里

華子岡麻山第三谷故老相傳華子期者祿里
先生弟子翔集此頂故華子爲稱也

桂林頂遠則嶮尖疆中

從臨江樓步路南上二里餘左望湖中右傍長

江

始寧又北轉一汀十里直指舍下園南門樓自
南樓百步許對橫山

論

辨宗論

問荅附

同遊諸道人並業心神道求解言外余枕疾務
寡頗多暇日聊申山來之意庶定求宗之悟釋
氏之論聖道雖遠積學能至累盡鑒生不應漸
悟孔氏之論聖道既妙雖顏殆庶體無鑒周理
歸一極有新論道士以爲寂鑒微妙不容階級
積學無限何爲自絕今去釋氏之漸悟而取其
能至去孔氏之殆庶而取其一極一極異漸悟

能至其治庶故理之所去雖合各取然其離孔
釋矣余謂二談救物之言道家之唱得意之說
敢以折中自許竊謂新論爲然聊荅下意遲有
所悟

法最問敬覽清論明宗極雖微而一悟頓了
雖欣新剖竊有所疑夫明達者以體理絕欲
悠悠者以迷惑嬰累絕欲本乎見理嬰累由
於乖宗何以言之經云新學者離般若便如
失月言無尊是爲懷墜蕩患於茲顯矣若涉

求未漸於大宗希仰猶累於塵垢則求劫劬
勞期果緬邈旣懷猶豫伏遲嘉訓

初荅道與俗反理不相關故因權以通之權雖
是假旨在非假智雖是真能爲非真非真不傷
真本在於濟物非假不遂假濟物則反本如此
之劫無爲空勤期果有如皎日

勗再問案論孔釋其道旣同救物之假亦不
容異而神道之域雖顏也孔子所不誨實相
之妙雖愚也釋氏所必教然則二聖建言何

乖背之甚哉

再荅二敎不同者隨方應物所化地異也大而校之華民易於見理難於受敎故閉其累學而開其一極夷人易於受敎難於見理故閉其頓了而開其漸悟漸悟雖可至昧頓了之實一極雖知寄絕累學之冀良由華人悟理無漸而誣道無學夷人悟理有學而誣道有漸是故權實雖同其用各異昔向子期以儒道爲壹應吉甫謂孔老可齊皆欲窺宗而况真實者乎

勗三問重尋荅以華夷有陰陽之性故二聖
敷異同之教重方附俗可謂美矣然淵極朗
鑒作則於上愚民蒙昧伏從於下故作則宜
審其政伏從必是其宗今孔廢聖學之路而
釋開漸悟之逕筌蹄旣已紛錯群黎何由歸
真

三荅冬夏異性資春秋爲始末晝夜殊用緣展
幕以往復況至精之理豈可逕接至粗之人是
故傍漸悟者所以密造頓解倚孔教者所以潛

成學聖學聖不出六經六經而得頓解不見三藏而以三藏果筌蹄歷然何疑紛錯魚兔既獲群黎以濟

僧維問承新論法師以宗極微妙不容階級使夫學者窮有之極自然之無有若符契何須言無也若資無以盡有者焉得不謂之漸悟耶

初荅夫累既未盡無不可得盡累之弊始可得無耳累盡則無誠如符契將除其累要須傍教

在有之時學而非悟悟在有表託學以至但階級教愚之談一悟得意之論矣

維再問論云悟在有表得不以漸使夫涉學希宗當日進其明不若使明不日進與不言同若日進其明者得非漸悟乎

再荅夫明非漸至信由教發何以言之由教而信則有日進之功非漸所明則無入照之分然例道善心起損累出垢伏伏似無同善似惡乖此所務不俱非心本無累至夫一悟萬滯同盡

耳

維三問荅云由教而信則有日進之功非漸
所明則無入照之分夫尊教而推宗者雖不
永用當推之時豈可不蹇令無耶若許其蹇
合猶自賢於不合非漸如何

三荅蹇者假也真者常也假知無常常知無假
今豈可以假知之蹇而侵常知之真哉今蹇合
賢於不合誠如來言竊有微證巫臣諫莊王之
言物賒於已故理爲情先及納夏姬之時已交

於物故情居理上情理雲互物已相傾亦中智
之率任也若以諫曰爲悟豈容納時之惑耶且
南爲聖也北爲愚也背北向南非停北之謂向
南背北非至南之稱然向南可以至南背北非
是停北非是停北故愚可去矣可以至南故悟
可得矣

慧麟演僧維問當假知之壹合與真知同異
初答與真知異

麟再問以何爲異

言居集卷之十一
再答假知者累伏故理暫爲用用暫在理不恒
其知真知者照寂故理常爲用用常在理故永
爲真知

隣三問累不自除故求理以除累今假知之
一合理實在心在心而累不去將何以去之
乎

三答累起因心心觸成累累恒觸者心日昏教
爲用者心日伏伏累彌久至於滅累然滅之時
在累伏之後也伏累滅累貌同實異不可不察

滅累之體物我同忘有無壹觀欲累之狀他已
異情空實殊見殊實空異已他者入於滯矣壹
無有同我物者出於照也

隣維問三世長於百年三千廣於赤縣四部
多於戶口七寶妙於石沙此亦方有不大故
化有遠近得不謂之然乎

初荅事理不同恒成四端自有小大各得其宜
亦有賢愚違方而處所謂世同時異物是人非
譬割雞之政亦有牛刀佩璽而聽豈皆唐虞今

謂言游體盡於武城長世皆覃於天下末之聞
也且俱稱妙覺而國土精粗不可以精粗國土
而言聖有優劣景迹之應本非所徵矣

維再問論曰或道廣而事狹或事是而人非
今不可以事之大小而格道之粗妙誠哉斯
言但所疑不在此耳設令周孔實未盡極以
之應世故自居宗此自是世去聖遠未足明
極夫降沙數階以接群粗則粗者所不測然
數階之妙非極妙之謂惟此而言撫世者於

粗爲妙然於妙猶粗矣以妙求粗則無往不盡以粗求妙則莫覩其源無往不盡故謂之窮理莫覩其源故仰之彌高今豈可就顏氏所崇而同之極妙耶

再荅今不藉顏所推而謂之爲極但謂顏爲庶幾則孔知幾矣且許禹昌言孔非本談以堯則天體無是同同體至極豈計有之小大耶

維三問凡世人所不測而又昌言者皆可以爲聖耶

三荅夫昌言賢者尙許其賢昌言聖者豈得反
非聖耶日用不知百姓之迷蒙唯佛究盡實相
之崇高今欲以崇高之相而令迷蒙所知未之
有也苟所不知焉得不以昌言爲信旣以釋昌
爲是何以孔昌爲非耶

法綱問云敬披高論探研宗極妙判權實存
旨儒道遺教孔釋昌言折中允然新論可謂
激流導源瑩拂發暉矣詳復荅勗維之問或
謂因權以通或學而非悟爾爲玄句徒設無

關於胸情焉竊所未安何以言之夫道形天
隔幾二險絕學不漸宗曾無髮鬚馳騁有端
思不出位神崖曷由而登機峯何從而超哉
若勤務於有而坐體於無者譬猶揮毫鍾張
之則功侔羿養之能不然明矣蓋同有非甚
礙尙不可以翫此而善彼豈況乎有無之至
背而反得以相通者耶又云累旣未盡無不
可得盡累之弊始可得無耳論曰夫膏肓大
道摧輶玄路莫尙於封有之累也蓋有不能

祛有祛有者必無未有先盡有累然後得無
也就如所言累盡則無爾爲累之自去實不
無待實不無待則不能不無故無無貴矣如
彼重闇自晞無假火日無假火日則不能不
設亦明無尙焉落等級而奇頓悟將於是乎
躓矣暇任之餘幸思嘉釋

來難云同有非甚礙尙不可以翫此而善彼豈
況乎有無之至背而反得以相通者耶此是拘
於所習以生此疑耳夫專翫筆札者自可不工

於弧矢弧矢旣工復翫筆札者何待不兼哉若
封有而不向宗自是封者之失造無而去滯何
爲不可得背借不兼之有以詰能兼之無非惟
鍾胡愧射於更李羿養慙書於羅趙觸類之躓
始克巧歷之歎今請循其本夫憑無以伏有伏
久則有忘伏時不能知知則不復辨是以坐忘
日損之談近世老莊數緣而滅經有舊說如此
豈累之自去實無之所濟且明爲晦新功在火
日但火日不稱功於幽闇般若不言惠於愚蠢

耳推此而往詎俟多云

慧琳問云三復精議辨慳二家斟酌儒道實
有懷於論矣至於去釋漸悟遺孔殆庶蒙竊
惑焉釋云有漸故是自形者有漸孔之無漸
亦是自道者無漸何以知其然耶中人可以
語上久習可以移性孔氏之訓也一合於道
場非十地之所階釋家之唱也如此漸絕文
論二聖詳言豈獨夷束於教華拘於理將恐
斥離之辨辭長於新論乎勗道人難云絕欲

由於體理當謂日損者以理自悟也論曰道
與俗反本不相關故因權以通之物濟則反
本問曰權之所假習心者亦終以爲慮乎爲
曉悟之日與經之空理都自反耶若其永背
空談翻爲末說若始終相扶可循教而至不
荅維麟假知中殊爲藻艷但與立論有違假
者以旋迷喪理不以鑽火致惑苟南向可以
造越背北可以棄燕信燕北越南矣慮空可
以洗心捐有可以祛累亦有愚而空聖矣如

此但當勤般若以日忘瞻郢路而驟進復何
憂於失所乎將恐一悟之唱更躋於南北之
譬耶靈運爲書荅難

孔雖曰語上而云聖無階級釋雖曰一合而云
物有佛性物有佛性其道有歸所疑者漸教聖
無階級其理可貴所疑者殆庶豈二聖異塗將
地使之然斥離之歎始是有在辭長之論無乃
角弓耶難云若其永背空談翻與未說若始終
相決可循教而至可謂公孫之辭辯者之困矣

夫智爲權本權爲智用今取聖之意則智卽經之辭則權傍權以爲檢故三乘咸躋筌旣意以歸宗故般若爲魚兔良由民多愚也教故遷矣若人皆得意亦何貴於攝悟假知之論旨明在有者能爲達理之諫是爲交除相傾非悟道之謂與其立論有何相違燕北越南有愚空聖其理旣當頗獲於心矣若勤者日忘瞻者驟進亦實如來言但勤未是得瞻未是至當其此時可謂向宗旣得旣至可謂一悟將無同轡來馳而

云異轍耶

論曰由教而信有日進之功非漸所明無入
照之分問曰由教而信而無入照之分則是
闇信聖人若闇信聖人理不關心政可無非
聖之尤何由有日進之功

以下王衛
軍問答

荅曰顏子體二未及於照則向善已上莫非闇
信但教有可由之理我有求理之志故曰關心
賜以之二回以之十豈直免尤而已實有日進
之功

論曰暫者假也真者常也假知無常常知無
假又曰假知累伏理暫爲用用暫在理不恒
其知問曰暫知爲假知者則非不知矣但見
理尙淺未能常用耳雖不得與真知等照然
寧無入照之分耶若暫知未是見理豈得云
理暫爲用又不知以何稱知

谷曰不知而稱知者正以假知得名耳假者爲
名非暫知如何不恒其用豈常之謂旣非常用
所以交賒相傾故諫人則言政理悅已則犯所

知若以諫時爲照豈有悅時之犯故知言理者
浮談犯知者沈惑推此而判自聖已下無淺深
之照然中人之性有崇替之心矣

論曰教爲用者心目伏伏累彌久至於滅累
問曰教爲用而累伏爲云何伏耶若都未見
理專心闇信當其專心惟信而已謂此爲累
伏者此是慮不能竝爲此則彼廢耳非爲理
累相權能使累伏也凡厥心數孰不皆然如
此之伏根本未具一倚一伏循環無已雖復

彌久累何由減

答曰累伏者屬此則廢彼實如來告凡厥心數
孰不皆然亦如來旨更恨不就學人設言而以
恒物爲譏耳譬如藥驗者疾易痊理妙者客可
洗洗客豈復循環疾痊安能起滅則事不侔居
然已辨但無漏之功故資世俗之善善心雖在
五品之數能出三界之外矣平叔所謂冬日之
陰輔嗣亦云遠不必攜聊借此語以況入無果
無阻隔

謝康樂集卷之八

宋陳郡謝靈運客兒著

明閩漳張燮紹和纂

頌

無量壽佛頌

法藏長王宮懷道出國城願言四十八弘誓拯
孳生淨土一何妙來者皆清英頽年欲安寄乘
化好晨征

贊

王子晉讚

淑質非不麗難以之百年儲宮非不貴豈若登
雲天王子愛清淨區中寔囂諠冀見浮丘公與
爾共續翻

巖下見一老翁四五少年讚

盛弘之荊州記初有採藥衡山
見一老翁四五少年對坐執書

衡山採藥人路迷糧亦絕消息巖下坐正見相
對說一老四五少仙隱不可別其書非世教其

六必賢哲

維摩經十譬贊

聚沫泡合

水性本無泡激流遂聚沫卽異成貌狀消散歸
虛壑君子識根本安事勞與奪愚俗駭變化橫
復生欣怛

燄

性內相表狀非炎安知火新新相推移熒熒非
向我如何滯着人終歲迷因果

芭蕉

生分本多端芭蕉知不一含萼不結核敷華何
由實至人善取譬無宰誰能律莫昵緣合時當
視分散日

聚幻

幻工作同異誰謂復非真一從逝物過既往亦
何陳謬者疑久近達者皆自賓勿起離合情會
無百代人

夢

覺謂寢無知寐中非無見意狀盈眼前好惡迷
一作萬變既悟眇已往惜爲浮物戀孰視婆婆

盡寧當非赤縣

影響合

影響順形聲資物故生理一旦揮霍去何因相
像似羣有靡不然昧漠呼自己四色尙無本八
微欲安恃

浮雲

泛濫明月陰蒼蔚南山雨能爲變動用在我竟

無取俄已就飛散豈復得攢聚
許注旣無我所由有所

電

倏燦驚電過可見不可逐
恆物生滅後誰復覈
遲速慎勿空留念橫使神理
惡發已道易乎忘
情長之福

侍汎舟贊

汎鷁今遊蘭池渚相委今石參
差日隱雲今月
照林風遼冷今水漣漪

和范光祿祗洹像讚三首

并序

范侯遠送像讚命余同作神道希微願言所屬輒總三首期之道場

佛讚

惟此大覺因心則靈垢盡智照數極慧明三達非我一援羣生理阻心行道絕形聲

菩薩讚

若人仰宗發性遺慮以定叅慧和理斯附爰初四等終然十住涉求至矣在外皆去

緣覺聲聞合讚

厭苦情多兼物志少如彼化城權可得寶誘以
涅槃救爾生老肇元三車翻乘一道

范泰佛讚附

精粗事阻始末理通捨事就理卽朗祛蒙惟
此靈覺因心則崇四等極物六度在躬明發
儲寢孰是化初夕滅雙樹豈還本無耿耿遠
神遙遙安如願言來期免茲淪淪

銘

佛影銘

有序

夫大慈弘物因感而接接物之緣端緒不一難以形檢易以理測故已備載經傳且著記論矣雖升壑緬謝像法猶在感運欽風日月彌深法顯道人至自祇洹具說佛影偏爲靈竒幽巖嵌壁若有存形容儀端莊相好具足莫知始終常自湛然廬山法師聞風而悅於是隨喜幽室卽考空巖北枕峻嶺南映滌澗摹擬遺量寄託青

彩豈唯像形也篤故亦傳心者極矣道乘道人
遠宣意旨命余製銘以充刊刻石銘所始寔出
功被未有道宗崇大若此之比豈淺思庸學所
能宣述事經徂謝永眷罔已輒罄竭劣薄以諾
心許徽猷秘奧萬不寫一庶推誠心頗感羣物
飛鵲有華音之期聞提獲自牧之路當相尋於
淨土解顏於道場聖不我欺致果必報援筆興
言情迫其慨

羣生因染六趣牽纏七識迭用九居屢遷劇哉

五陰卷矣四緣遍使轉輪苦根迤迤迤迤未已
轉輪在已四緣雲薄五陰火起疊疊正覺是極
是理動不傷寂行不乖止曉爾長夢貞爾沈詖
以我神明成爾靈智我無自我實承其義爾無
自爾必祛其僞僞旣殊塗義故多端因聲成韻
卽色開顏望影知易尋響非難形聲之外復有
可觀觀遠表相就近暖景匪質匪空莫測莫領
倚巖輝林傍潭鑒井借空傳翠激光發罔金好
冥漠白毫幽暖日月居諸胡寧斯慨曾是望僧

擁誠俟對承風遺則曠若有槩敬圖遺縱疏鑿
峻峰周流步欄窈窕房櫳激波映堦引月入窻
雲往拂山風來過松地勢旣美像形亦篤彩淡
浮色羣觀沈覺若滅若無在慕在學由其潔精
能感靈獨誠之云乎惠亦孔續嗟爾懷道哲勿
申惕弱喪之推剛提之役反路今視發蒙茲覲
式厲厥心時逝流易敢銘靈宇敬告震錫

書帙銘

懷幽卷牘最妙抱密用舍以造舒卷不失亮惟
勤玩無或暇逸

七

七濟

朝食既畢摘菓堂陰春惟枇杷夏則林檎



誄

宋武帝誄

九有同悲四海等哀矧伊下臣思戀徘徊敢遵
前典式述聖徽乃作誄曰

舜潛歷巖高晦泗渚龍德而隱風積乃舉皇之
遁世屯難方阻眷此區寰閔爾淪胥太元之季
權威攜薄隆安之初主相蒙弱嶽牧糾虔朝廷
紛錯妖橫乘隙蛟噴鯨躍旣擾輿區遂斥帝塵
亂離斯瘼不後不先寔賴明哲授手康旃紀度

廻薄餘分成閩舊晉中微僞楚藉黠蹕彼潛機
整此英陣推亡必朽固存斯振盧循負險肆慝
遐嶺殄我江豫迫我臺省民旣搖蕩國將遷鼎
乘騶歸轅式固皇境弘危濟險弭難釋殆虎騎
驚隰舟師漲海傾穴華巢窮幽測昧昔去洛汭
息肩江沚世更十君年踰百祀國絕興復家成
桑梓荒默莫恤頽國誰恥夏典載禹九道是行
商誥述湯兼攻是弁勤彼周流協此經營仗鉞
伐鼓赫赫明明乃敕衆師竟執戎昭誨以三略

惠以六韜雲撒鳳京府卷秦之義禮南望雪愧
舊朝旣清西關將旋東道中憇徐豫兼應燕趙
綦盛曩代惠侔大造澤及四海功格八表悠悠
聲教繇繇川陸北獻韁裘南貢金竹鬐首冠弁
穿胸歛服寒宄欣日巢棲玩屋匪惟遐譚靈物
偕就孰是人事自天所佑甘露芝草祥雲瑞宿
嘉禾連木素鳥皓獸昔之所感謳頌同音今之
所應幽顯一心宋克虞德晉猶唐欽曰總八絃
于茲三齡四維開張九流昭明敦儉務素欽賢

愛萌制規作訓闡校脩經禮樂已甄雲雨未弘
將陟井陘薄掃白登北朔渴望飛旌衡欄東岱
靈遲玉牒金滕天地不仁蒼生寡福已荷一過
棄我何速梁顛木頽甘殞以贖同軌畢至率土
咸哀殊方均服欒欒素縗灑淚成雨響呌如雷
史臣考上高山開基貞龜無違遷靈有期嗣皇
擗標羣后崩悲孰云不戚痛百在茲惟祖之夕
流火始變秋月未永飛漏急箭鳴簫哀嗽金觴
虛奠列駕長隧發輦華殿華殿旣謝長隧是幸

雙蓋躑躑六閤引領攀援容貌眷戀俄頃哀哀
百條長辭含鯁奉教百朝執鞭三始從履五牧
年歷十祀天光下濟謬蒙眷齒愧微刀筆頗預
遊止垂幕待講接筵餐理脩曙朗夕登臺泛沼
匪月匪日無晏無早如何一旦緬邈穹昊微容
未遠聖靈超然收淚卽路含戚何言風霜蕭瑟
山海蒼茫地苦情矜節速心傷孰是幽哀實戀
我皇情思如環護蘇豈忘

宋廬陵王誄

事非淮南而痛深於中霧迹非任城而暴甚於
仰毒託體皇極銜怨至盡豈惟有識傷慨故亦
率土悽心蓋出罔已之悲以陳酸切之事云爾
誄曰

哀哀君王絳仁且德在枉無言卽臯有默曾是
忍虐古來一酷身微咎累痛踰酖毒何斯禍斯
乃怨乃辱命如可延人百其贖矜急景之難留
悼驚波之易淪自君王之冥漠歷彌稔於此春

聆鳴禽之響谷視喬木之陵雲咸感節而興悅
獨懷悲而莫申候射隼于高墉赫王典以正刑
服二辜于壯猗致九伐于南荆發酸痛于仁詔
令寵贈于哀心布悽楚于帝言撫綢繆于皇音

曇隆法師誄

夫協理叢論百家夫見其是因心自了一已不
患其蹟而終莫相辨我若咸歎滄海得接竟知
于誰冀行跡立則善惡靡徵欲聲名傳則薰蕕
同歇然意非身之所挫期出命之所限者目所
親覲見之若人矣慧心朗識發于髫髻生自豪
華家羸金帛加以巧乘騎解絲竹秣絕景于康
衢弄絃管於華肆者非徒經旬涉朔彌歷年稔
而已諒趙李之咸陽程鄭之臨邛矣旣而永夜

獨悟中飲興歎曰悲夫欣厭迭來終歸憂苦不
杜其根於何超絕且三界廻沈諸天倏瞬况齊
景牛山趙武企陰催促節物逼迫霜露推此願
言伊何能久慨然有擯落榮華兼濟物我之志
母氏矜其心姊第申其操遂相許諾出家求道
一身旣然闔門離世妻子長絕歡娛永謝豈唯
向之靡樂判之盛年終古恩愛於今仳別矣旅
舟南邁搜景廬獄一登石門香鑪峰六年不下
嶺僧衆不堪其操法師不改其節援物之念不

以幽居自抗同學嬰疾振錫萬里相救余時謝
病東山承風遙羨豈望人期頗以山招法師至
止鄙人榮役前詩叙粗已記之故不重煩及中
間反山成說歎盡遂獲接棟重崖俱泚迴澗茹
芝木而其餌披法言而同卷者再歷寒暑非直
山陽靡膏慍之容令尹一進已之色實明悟幽
微袂滌近滯蕩客澡垢日忘其疾庶白首同居
而乖離無象信順莫歸徵集何緣晚節懼疊遠
見參尋至止阻濶音塵殆絕值暑遘疾未旬卽

化誠存亡命也此行頗實有山承凶感痛寔百
常情紙墨幾時非以斯名蓋欽志節追感平生
自不能默已故投懷援筆其辭曰

仰尋形識俯探理類採聲知律拔茅觀彙物以
靈異人以智貴卽是神明觀鑒意謂爰初在稚
慧心夙察吐喻芳華懷抱日月如彼蘭苑風過
氣越如彼天倪雲被光發求名約身規操束已
儻或遇世曾未近似生以意泰意管生理孰是
歡慰程鄭趙李家畜金繒才練藝技驤首揮霍

繁絃綺靡酒娛調促意妍服侈朝迫景曛夕忌
星徙悠悠白日淒淒良夜年往歡流厭來情舍
苦樂環迴終卒代謝棄而更適生速名借誰能
易奪何術推移精粗渾淆善惡參差卽心有限
在理莫規試覈衆肆庶獲所窺道家躋近羣流
缺遠假名恒誰傍義豈反獨有兼忘因心則善
傷物沈迷奚彼驅遣變服京師振錫廬頂長別
榮冀永息幽嶺含華襲素去繁就省人苦其難
子取其靜昏之視明卽愚成絕智之秉情對理

斯湏客既弗祛滯亦安拔子之矜之爲爾苦節
節苦在已利貞存彼以明闇逝以慈累徙欲以
援物先宜濟此發軫情違終然理是梁鴻攜妻
荷蓀見子雞黍接人行歌通已於世曰高於道
殊鄙始見法師獨絕神理形壽易盡然諾難判
乘心卽化棄身靡歎懷道彌厲景命已晏矜物
辭山終身旅館嗚呼哀哉魂氣隨之延陵已了
鳶螻同施漆園所曉委骸空野豈異豈矯幸有
遺餘聊給蟲鳥嗚呼哀哉緬念生平同幽其深

相率經始偕是登臨開石通澗剔剝臨林遠眺
重疊近矚巖嶽事寡地閒尋微探賸何句不研
奚疑弗折帙舒軸卷藏拔紙襞問來答往往日
餘夕沮溺耦耕夷齊其薇跡同心歡事異意違
永疾懷灼聞凶慙悲孰云不痛零淚沾衣嗚呼
哀哉行久節移地邊氣改終秋中冬踰桂投海
永念伊人思深情倍俯謝常人仰愧無待嗚呼
哀哉

廬山慧遠法師誄

道存一致故異化同暉德合理妙故殊方齊致
昔釋安公振玄風于闢右法師嗣沫流于江左
聞風而悅四海同歸爾乃懷仁山林隱居求志
于是衆僧雲集勤脩淨行同法餐風棲遲道門
可謂五百之季仰紹舍衛之風廬山之隈俯傳
靈鷲之旨洋洋乎未曾聞也予志學之年希門
人之末惜哉誠願弗遂永違此世春秋八十有
四義熙十三年秋八月六日薨年踰縱心功遂

身亡有始斯終千載垂光嗚呼哀哉乃爲誄曰
於昔安公道風允被大法將盡顏綱是寄體靜
息動懷貞整僞事師以孝養徒以義仰弘如來
宣揚法雨俯受法師威儀允舉學不闕牖鑒不
出戶粳糧雖御歟爲萋楚朗朗高堂肅肅法庭
旣嚴旣靜愈高愈清從容音旨優游儀形廣演
慈悲饒益衆生堂堂其氣疊疊其資翬角味道
辭親隨師供奉三寶析微辨疑盛化濟濟仁德
怡於焉問道四海承風有心載馳戒德鞠躬

令聲續振五濁暫隆弘道懋揚靈虛彌冲十六
王子孺童先覺公之出家年未志學如彼鄧林
甘露潤澤如彼瓊瑤旣磨旣琢大宗戾止座衆
龍集聿來胥宇靈寺奚立舊望研幾新學時習
公之勗之載和載輯乃脩什公宗望交泰乃延
禪衆親承三昧衆笑合流可上可大穆穆道德
超于利害六合俱否山崩海竭日月沈暉三光
寢晰衆麓摧柯連波中結鴻化垂緒微風永滅
嗚呼哀哉生盡冲素死增傷悽單縶土槨示同

歛骸人天感悴帝釋慟懷習習遺風依依餘淒
悲夫法師終然是棲室無停響途有廣蹊嗚呼
哀哉端木喪尼哀直六年仰慕洙泗俯憚昂筌
今子門徒實同斯難晨掃虛房夕泣空山嗚呼
法師何時復還風嘯竹柏雲靄巖峰川壑如泣
山林改容自昔聞風志願歸依山川路邈心往
形違始終銜恨宿緣輕微安養有寄閭浮無希
嗚呼哀哉

附錄

謝靈運傳

梁沈約

謝靈運陳郡陽夏人也祖玄晉車騎將軍父瑒生而不慧爲祕書郎蚤亡靈運幼便穎悟玄甚異之謂親知曰我乃生瑒瑒那得生靈運靈運少好學博覽羣書文章之美江左莫逮從叔混特知愛之襲封康樂公食邑二千戶以國公例除員外散騎侍郎不就爲琅邪王大司馬行叅軍性奢豪車服鮮麗衣裳器物多改舊制世共

宗之咸稱謝康樂也撫軍將軍劉毅鎮姑孰以爲記室叅軍毅鎮江陵又以爲衛軍從事中郎毅伏誅高祖版爲太尉叅軍入爲祕書丞坐事免高祖伐長安驃騎將軍道憐居守版爲諮議參軍轉中書侍郎又爲世子中軍咨議黃門侍郎奉使慰勞高祖於彭城作撰征賦仍除宋國黃門侍郎遷相國從事中郎世子左衛率坐輒殺門生免官高祖受命降公爵爲侯食邑五百戶起爲散騎常侍轉太子左衛率靈運爲性褊

厥多愆禮度朝廷唯以文義處之不以應實相
許自謂才能宜叅權要旣不見知常懷憤憤廬
陵王義真少好文籍與靈運情款異常少帝卽
位權在大臣靈運構扇異同非毀執政司徒綏
美之等患之出爲永嘉太守郡有名山水靈運
素所愛好出守旣不得志遂肆意遊遨徧歷諸
縣動踰旬朔民間聽訟不復關懷所至輒爲詩
詠以致其意焉在郡一周稱疾去職從弟晦曜
弘微等並與書止之不從靈運父祖並塋始寧

縣弁有故宅及墅遂移籍會稽脩營別業傍山
帶江盡幽居之美與隱士王弘之孔淳之等縱
放爲娛有終焉之志每有一詩至都邑貴賤莫
不競寫宿昔之間士庶皆徧遠近欽慕名動京
師作山居賦弁自注以言其事太祖登祚誅徐
羨之等徵爲祕書監再召不起上使光祿大夫
范泰與靈運書敦獎之乃出就職使整理祕閣
書補足闕文以晉氏一代自始至終竟無一家
之史令靈運撰晉書粗立條流書見任遇靈運

意不平多稱疾不朝直穿池植援種竹樹莖驅
課公役無復期度出郭游行或一日百六七十
里經旬不歸旣無表聞又不請急上不欲傷大
臣諷旨令自解靈運乃上表陳疾上賜假東歸
將行上書勸伐河北以疾東歸而遊娛宴集以
夜續晝復爲御史中丞傅隆所奏坐以免官是
歲元嘉五年靈運旣東還與族弟惠連東海何
長瑜潁川荀雍太山羊璿之以文章賞會共爲
山澤之游時人謂之四友惠連幼有才悟而輕

薄不爲父方明所知靈運去永嘉還始寧時方明爲會稽郡靈運嘗自始寧至會稽造方明過視惠連大相知賞時長瑜教惠連讀書亦在郡內靈運又以爲絕倫謂方明曰阿連才悟如此而尊作常見遇之何長瑜當今仲宣而餘以下客之食尊旣不能禮賢宜以長瑜還靈運靈運載之而去荀雍字道雍官至員外散騎郎璿之字曜璠臨川內史爲司空竟陵王誕所遇誕敗坐誅長瑜文才之美亞於惠連雍璿之不及也

臨川王義慶招集文士長瑜自國侍郎至平西
記室參軍嘗於江陵寄書與宗人何勗以韻語
序義慶州府僚佐云陸展染鬚髮欲以媚側室
青青不解久星星行復出如此者五六句而輕
薄少年遂演而廣之凡厥人士竝爲題目皆加
劇言苦句其文流行義慶大怒白太祖除爲廣
州所統曾城令及義慶薨朝士詣第叙哀何勗
謂袁淑曰長瑜便可還也淑曰國新喪宗英未
宜便以流人爲念廬陵王紹鎮尋陽以長瑜爲

南中郎行參軍掌記之任行至板橋遇暴風溺
死靈運因父祖之資生業甚厚奴僮既衆義故
門生數百鑿山浚湖功役無已尋山陟嶺必造
幽峻巖嶂千重莫不備盡登躡常著木履上山
則去前齒下山去其後齒嘗自始寧南山伐木
開運直至臨海從者數百人臨海太守王琇驚
駭謂爲山賊徐知是靈運乃安又要琇更進琇
不肯靈運贈琇詩曰邦君難地險旅客易山行
在會稽亦多徒衆驚動縣邑太守孟頴事佛精

懇而爲靈運所輕嘗謂顓曰得道應須慧業文
人生天當在靈運前成佛必在靈運後顓深恨
此言會稽東郭有回踵湖靈運求決以爲困太
祖令州郡履行此湖去郭近水物所出百姓惜
之顓堅執不與靈運旣不得回踵又求始寧峴
崕湖爲田顓又固執靈運謂顓非存利民正慮
決湖多害生命言論毀傷之與顓遂構讐隙因
靈運橫恣百姓驚擾乃表其異志發兵自防露
板上言靈運馳出京都詣闕上表太祖知其見

誣不罪也不欲使東歸以爲臨川內史賜秩中二千石在郡遊放不異永嘉爲有司所糾司徒遣使隨州從事鄭望生收靈運靈運執錄望生興兵叛逸遂有逆志追討禽之送廷尉治罪廷尉奏靈運率部衆反叛論正斬刑上惜其才欲免官而已彭城王義康堅執謂不宜恕乃詔曰靈運罪釁累仍誠合盡法但謝玄勲參徵管宜宥及後嗣可降死一等徙付廣州其後秦郡府將宗齊受至除日行達桃墟村見有七人下路

亂語疑非常人還告郡縣遣兵隨齊受掩討遂
其格戰悉禽付獄其一人姓趙名欽山陽縣人
云同村薛道雙先與謝康樂共事以去九月初
道雙因同村成國報欽云先作臨川郡犯事徙
送廣州謝給錢令買弓箭刀楯等物使道雙要
合鄉里健兒於三江口篡取謝若得者如意之
後功勞是同遂合部黨要謝不及旣還饑饉緣
路爲劫盜有司又奏依法收治太祖詔於廣州
行棄市刑臨死作詩時元嘉十年年四十九所

著文章傳於世子鳳

史臣曰民稟天地之靈含五常之德剛柔迭用
喜怒分情夫志動於中則歌詠外發六義所因
四始攸繫升降謳謠紛披風什雖虞夏以前遺
文不覩稟氣懷靈理無或異然則歌咏所興宜
自生民始也周室旣衰風流彌著伯平宋玉導
清源於前賈誼相如振芳塵於後英辭潤金石
高義薄雲天自茲以降情志愈廣王褒劉向揚
班崔蔡之徒異軌同奔遞相師祖雖清辭麗曲

待發乎篇而蕪音累氣固亦多矣若夫平子艷
發文以情變絕唱高蹤久無嗣響至于建安曹
氏基命二祖陳王咸蓄盛藻甫乃以情緯文以
文被質自漢至魏四百餘年辭人才子文體三
變相如巧爲形似之言班固長於情理之說子
建仲宣以氣質爲體並標能擅美獨映當時是
以一世之士各相慕習原其飈流所始莫不同
祖風騷徒以賞好異情故意製相詭降及元康
潘陸特秀律異班賈體變曹王繹旨星稠繁文

綺合綴平臺之逸響採南皮之高韻遺風餘烈
事極江右有晉中興玄風獨振爲學窮於柱下
博物止乎七篇馳騁文辭義單乎此自建武暨
乎義熙歷載將百雖綴響聯辭波屬雲委莫不
寄言上德託意玄珠適麗之辭無聞焉爾仲文
始華孫許之風叔源大變太元之氣爰逮宋氏
顏謝騰聲靈運之興會標舉延年之體裁明密
並方軌前秀垂範後昆若夫敷衽論心商榷前
藻工拙之數如有可言夫五色相宣八音協暢

繇乎玄黃律呂各適物宜欲使宮羽相變低昂
互節若前有浮聲則後須切響一簡之內音韻
盡殊兩句之中輕重悉異妙達此旨始可言文
至於先士茂製諷高歷賞子建函京之作仲宣
羈岸之篇子荆零雨之章正長朔風之句竝直
舉胸情非傍詩史正以音律調韻取高前式自
騷人以來此祕未覩至於高言妙句音韻天成
皆暗與理合匪緣思至張蔡曹王曾無先覺潘
陸顏謝去之彌遠世之知音者有以得之知此

言之非謬如曰不然請俟來哲

謝靈運傳

唐李延壽

謝靈運安西將軍奕之曾孫而方明從子也祖
玄晉車騎將軍父瑒生而不慧位祕書郎早亡
靈運幼便穎悟玄甚異之謂親知曰我乃生瑒
瑒兒何爲不及我靈運少好學博覽羣書文章
之美與顏延之爲江左第一縱橫俊發過於延
之深密則不如也從叔混特加愛之襲封康樂
公以國公例除員外散騎侍郎不就爲瑯琊王
大司馬行參軍性豪侈車服鮮麗衣物多改舊

形制世共宗之咸稱謝康樂也累遷秘書丞坐
事免宋武帝在長安靈運爲世子中軍諮議黃
門侍郎奉使慰勞武帝於彭城作撰征賦後爲
相國從事中郎世子左衛率坐輒殺門生免官
宋受命降公爵爲侯又爲太子左衛率靈運多
愆禮度朝廷惟以文義取之不以應實相許自
謂才能宜參權要旣不見知常懷憤惋廬陵王
義真少好文籍與靈運情款異常少帝卽位權
在大臣靈運構扇異同非毀執政司徒徐美之

寺患之出爲永嘉太守郡有名山水靈運素所
愛好出守旣不得志遂肆意遊遨徧歷諸縣動
踰旬朔理人聽訟不復關懷所至輒爲詩詠以
致其意在郡一周稱疾去職從弟晦曜弘微等
並與書止之不從靈運父祖並葬始寧縣并有
故宅及墅遂移籍會稽脩營舊業傍山帶江盡
幽居之美與隱士王弘之孔淳之等放蕩爲娛
有終焉之志每有一首詩至都下貴賤莫不競
寫宿昔間士庶皆徧名動都下作山居賦并自

注以言其事文帝誅徐美之等徵爲秘書監再
召不起使光祿大夫范泰與書敦獎乃出使整
秘閣書遺闕又令撰晉書粗立條流書竟不就
尋遷侍中賞遇甚厚靈運詩書皆兼獨絕每文
竟手自寫之文帝稱爲二寶旣自以名輩應參
時政至是唯以文義見接每侍上宴談賞而已
王曇首王華殷景仁等名位素不踰之竝見任
遇意旣不平多稱疾不朝直穿池植援種竹樹
果驅課公役無復期度出郭游行或一百六七

十里經旬不歸旣無表聞又不請急上不欲傷
大臣諷旨令自解靈運表陳疾賜假東歸將行
上書勸伐河北而游娛宴集以夜續晝復爲御
史中丞傅隆奏免官是歲元嘉五年也靈運旣
東與族弟惠連東海何長瑜潁川荀雍太山羊
璿之以文章賞會共爲山澤之遊時人謂之四
友惠連幼有奇才不爲父方明所知靈運去永
嘉還始寧時方明爲會稽靈運造方明遇惠連
大相知賞靈運性無所推唯重惠連與爲刎頸

交時何長瑜教惠連讀書亦在郡內靈運又以
爲絕倫謂方明曰阿連才悟如此而尊作常兒
遇之長瑜當今仲宣而飭以下客之食尊旣不
能禮賢宜以長瑜還靈運載之而去靈運因祖
父之資生業甚厚奴僮旣衆義故門生數百鑿
山浚湖功役無已尋山陟嶺必造幽峻巖嶂數
十重莫不備盡登躡常著木屐上山則去其前
齒下山去其後齒常自始寧南山伐木開徑直
至臨海從者數百臨海太守王琇驚駭謂爲山

賊未知靈運乃安又要琇更進琇不肯靈運贈
琇詩曰邦君難地險旅客易山行在會稽亦多
徒衆驚動縣邑太守孟顗事佛精懇而爲靈運
所輕嘗謂顗曰得道應須慧業文人生天當在
靈運前成佛必在靈運後顗深恨此言又與王
弘之諸人出千秋亭飲酒保身大呼顗深不堪
遣信相聞靈運大怒曰身自大呼何關癡人事
會稽東郭有回踵湖靈運求決以爲田文帝令
州郡履行此湖去郭近水物所出百姓惜之顗

堅執不與靈運旣不得回踵又求始寧休甌湖
爲田顗又固執靈運謂顗非存利人政慮決湖
多害生命言論傷之與顗遂隙因靈運橫恣表
其異志發兵自防露板上言靈運馳詣闕上表
自陳本末文帝知其見誣不罪也不欲復使東
歸以爲臨川內史在郡游放不異永嘉爲有司
所糾司徒遣使隨州從事鄭望生收靈運靈運
興兵叛逸遂有逆志追討禽之送廷尉廷尉論
正斬刑上愛其才欲免官而已彭城王義康堅

獎勸詩

晉從叔溫

康樂誕通度實有名家韵若加繩染功剖瑩乃
瓊瑾

和謝監靈運

宋顏延之

弱植慕端操窘步懼先迷寡立非擇方刻意藉
窮棲伊昔邁多幸秉筆侍兩閨雖慙丹轅施未
謂玄素睽徒遭良時詖王道奄昏霾人神幽明
絕朋好雲雨乖弔屈汀洲浦謁帝蒼山蹊倚巖
聽緒風攀林結留萋跂予間衡嶠曷月瞻秦稽

皇聖昭天德豐澤振沈泥惜無雀雉化何用充
海淮去國還故里幽門樹蓬藜永茨葺昔宇翦
棘開舊畦物謝時旣晏年往志不偕親仁敷情
昵興玩究辭悽芬馥歇蘭若清越奪琳珪盡言
非報章聊用布所懷

答靈運

宋從兄瞻

夕霽風氣涼閑房有餘清開軒滅華燭月露皓
已盈獨夜無物役寢者亦云寧忽獲愁霖唱懷
勞奏所誠歎彼行旅艱深茲眷言情伊余雖寡

謝靈運傳

溫州府志

謝靈運玄之孫也性穎異文擅江左第一爲永嘉守德惠多及民招士講書人知向學居西堂夢第惠連得池塘生春草句時以爲工有行田律桑與民別等詩今有夢草堂謝公亭謝客巖謝池及康樂坊之名皆民所不能忘者謝康樂
鄉兒童嘴竹馬迎之至今名竹馬坊又東北五里靈運我滿與民叙別于此今名北亭俱載郡志

原缺

忘殷憂暫爲輕牽率酬嘉藻長揖愧吾生

於安城答靈運

五章

宋從兄瞻

條繁林彌蔚波清源逾濬華宗誕吾秀之子紹
前胤綢繆結風徽烟煴吐芳訊鴻漸隨事變雲
臺與年峻

華萼相光飾嚶鳴悅同響親親子敦余賢賢吾
爾賞比景後鮮輝方年一日長萎葉愛榮條涸
流好河廣

狗綦謝成操復禮愧貧樂幸會果代耕符守江

南曲履運傷荏苒
避塗歎緬邈
布懷存所欽
我勞一何篤

肇允雖同規
翻飛各異槩
迢遞封畿外
窈窕承明內
尋塗塗旣睽
卽理理已對
絲路有恒悲
矧乃在吾愛

跬行安步武
鍛翮周數仞
豈不識高遠
遽方往
有吝歲寒霜
雪嚴過半路
逾峻量已畏
友朋勇退不敢進
行矣勵令猷
寫誠酬來訊

入彭蠡經松門觀石鏡
緬懷謝康樂

唐李白

謝公之彭蠡因此遊松門余方窺石鏡兼得窮
江源欲將繼風雅豈徒清心魂前賞逾所見後
來道空存况屬臨汎美而無洲渚喧漾水向東
去潭流直南奔空濛三川夕迴合千里昏青桂
隱遙月綠楓鳴愁猿水碧或可采金精秘莫論
古將學仙去冀與琴高言

孤嶼

唐李白

康樂上官去永嘉遊石門江亭有孤嶼千載跡

詩集卷之十一
金
猶存

謝客巖

唐姚揆

不見古君子空餘舊林巒
翠色媚車馬爽氣嚴
衣冠水天影交碧松竹聲相寒

懷謝康樂

宋林景熙

截薛鎮九斗巖巖挾五丁飛霞適何來縹緲聞
珠庭永懷謝康樂坐嘯山水城曠代得真契
聲臨有餘情松風灑六月使我毛骨清
猿鳥亦僊意人生何營營

浣紗溪

明皇南游

謝公永嘉守在郡宥無爲敦賞值令弟華萼每
相携躋險旣山頓窮源亦水嬉溪名沐鶴是人
覩遊龍非駕言輟棹際並影浣紗時凌波粲秀
色雜翠逗芳儀援琴挑未就解佩贈猶疑高唐
侈宋玉洛浦悵陳思杼章但唇動締心空目馳
來同湫風止去作飄雲辭停聲三婦艷嗣響二
節回

遺事

謝靈運好戴曲柄笠孔隱士曰卿欲希心高遠
何不能遺曲蓋之貌謝曰將不畏影者未能忘

懷

世說

謝叔源與從子靈運並有美名時目望蔡肅肅
如寒風振松目康樂凜凜如霜臺籠目

世說

王令明素不與謝靈運相識嘗一交言靈運辯
博辭義鋒起令明時然後言荀伯子退而告人
曰靈運固自蕭散直上王郎如萬頃陂

世說

謝康樂父不慧早亡康樂好臧否人物叔混患之欲加裁折謂宣遠曰非汝莫能乃與晦曜共遊戲命瞻與靈運共車旣上便商較人物宣遠謂曰秘書早亡談者亦互有同異靈運默然言論自此衰止

世說

靈運問謝晦潘陸與賈克優劣晦曰安仁諂於權門士衡邀競無已並不能保身公間勲名佐世不得爲並靈運曰安仁士衡才爲一時之冠

方之公間本自遼絕

宋書謝弘敬傳

謝靈運有逸才每出入自扶携者常數人民間

謠曰四人挈衣裾三人捉坐席

宋書

宋浦陽江有琵琶圻圻有古冢墮水甃有隱起
字筮吉龜凶八百年落江中謝靈運取甃詣京
咸傳視焉乃驗龜繇古冢已八百矣

水經

謝瞻作喜霽詩靈運寫之王琨詠之王弘以爲

三絕

南史謝瞻傳

王籍爲詩慕謝靈運其合也殆無媿色時謂康

樂有籍如仲尼之有丘明老聃之有莊周

南史王籍

傳

謝靈運每云六經典文本在濟俗爲治耳必求

性靈真與豈得不以佛經爲指南

弘明集

謝靈運半日吟詩百篇頓落十二齒

謝靈運少所推崇見遠公肅然心服乃卽寺觀

翻涅槃經因鑿爲臺植白蓮池中名臺曰翻經

臺因號白蓮社

廬山記

謝靈運遊石門入沐鶴鄉溪有二女浣紗嘲以

二詩忽不見遂回踰三里遇弟惠連與之偕回

集評

顏延之嘗問鮑明遠已詩與謝康樂優劣鮑曰
謝五言如初發芙蓉自然可愛君詩若鋪錦列
繡亦雕績滿眼

世說

湯惠休曰謝詩如芙蓉出水顏如錯彩鏤金顏
終身病之

世說
註

謝客吐言天拔出於自然時有不拘是其糟粕

梁簡
文

陳思爲建安之傑公幹仲宣爲輔陸機爲太康

之英安仁景陽爲輔謝客爲元嘉之雄顏延年
爲輔皆五言之冠冕文章之命世也

詩品

謝靈運詩其原出於陳思雜有景陽之體故尙
巧似而逸蕩過之頗以繁蕪爲累嶸謂若人興
多才博寓目輒書內無乏思外無遺物其繁富
宜哉然名章迴句處處間起麗典新聲絡繹奔
會譬猶青松之拔灌木白玉之映塵沙未足貶
其高潔也

詩品

謝靈運才高辭盛富艷難蹤固已含跨劉郭陵

後人以康樂回處爲大郎回惠連回處爲小郎

回溪曰浣沙溪

括蒼志

謝靈運鬚美臨刑施於南海祇洹寺爲維摩詰
鬚寺人寶惜初不虧損中宗樂安公主五月鬪
百草欲廣其物色令馳取之又恐他人所得因
剪棄其餘今遂絕

國史彙纂

韓潘左其爲文直於情性尙於作用不顧辭彩
而風流自然彼清景當中天地秋色詩之量也
卿雲從風舒卷萬狀詩之變也不然何以得其
格高其氣正其體真其貌古其辭深其才婉其
德宏其調逸其聲諧哉

皎然
詩評

客有問予謝公池塘生春草明月照積雪二句
優劣予曰池塘生春草情在言外明月照積雪
旨冥句中風力雖齊取興各別
以險爲主以自然爲工李杜深處多取此

詩譜

靈運森蔚璀璨而鋪敘紛縈處似急就篇

竹林詩譜

池塘生春草園柳變鳴禽靈運坐此詩得罪遂

計以阿連夢中投此語有客以請舒王曰不知

此詩何以得名後世何以得罪當時舒王曰權

德輿已嘗評之公未尋繹耳池塘者泉州渚漑

之地今日生春草是王澤竭也幽詩所紀一蟲

鳴則一候變今日變鳴禽者候將變也

吟總雜錄

池塘生春草園柳變鳴禽世多不解此語爲工

蓋欲以奇求之爾此語之工正在無所用意猝

然與景相遇備以成章不假繩削故非常情之
所能到詩家妙處須以此爲本而思苦言艱者
往往不悟

石林詩話

江淹擬惠休詩曰日莫碧雲合佳人殊未來古
今以爲佳句然謝靈運圓景早已滿佳人猶未
選卽是此意

顏不如鮑鮑不如謝文中子獨取顏非也

嚴滄浪

謝靈運如東海揚帆風日流麗

孫器之

三謝詩靈運最勝當就選中寫出熟讀自見優

劣

唐西子

靈運送孔令詩季秋邊朔苦旅鴈違霜雪淒淒
陽卉微皎皎寒潭潔上二句見孔令避地之意
三句喻時四句羨孔賦面比也在宥天下理吹
萬群方悅詩意微婉喻宋公尤妙

琅邪漫抄

康樂之詩六朝之冠也然其始本於陸平原陸
謝二子則又並祖曹子建故鍾嶸曰曹劉殆文
章之聖陸謝爲體貳之才

李夢陽

康樂雄好山水故登涉之言締構妙絕窮情極

態如川月嶺雲玩之有餘把之不得可謂神於
詠賦者矣且其肆覽莊易博綜百家駢珠儼立
往往不期而有故使後代擅場之士內無乏思
外無遺物皆斯人爲之創導也譬之花萼在建
安時開耀其半尙多渾含至康樂色彩敷發殆
盡靈機天化無餘蘊矣千年來未有其匹

黃省曾

陸之餘法也其雅縹乃過之

王世貞